



Lög Foreldrafélags Varmárskóla

1. gr.

Félagið heitir Foreldrafélag Varmárskóla, skammstafað FFVS.
Í félaginu eru allir foreldrar og forráðamenn nemenda í skólanum.

2. gr.

Markmið félagsins eru að:

- vera samstarfsvettvangur foreldra sem eiga börn í skólanum.
- efla og tryggja gott samstarf foreldra og starfsfólks skólans.
- styðja heimili og skóla við að skapa nemendum góð uppeldis- og menntunarskilyrði.
- koma á framfæri sjónarmiðum foreldra varðandi skóla- og uppeldismál.
- standa vörð um réttindi barna til mennta og aukins þroska.

3. gr.

Til að ná þessum markmiðum hyggst félagið m.a.:

- stuðla að auknum kynnum barna, foreldra og starfsmanna skólans.
- starfa eftir þeim ákvæðum laga og reglugerða sem Alþingi og menntamálaráðuneytið setja um grunnskóla.
- koma með tillögur og hafa frumkvæði að endurbótum og þróunarstarfi í samvinnu við skólayfirvöld.
- kynna sér kennsluhætti og uppeldismarkmið skólans til dæmis með starfi í foreldraráði.
- koma á umræðu- og fræðslufundum um uppeldis- og skólamál.
- stuðla eftir megni að bættu félags- og tómstundastarf nemenda.
- fjalla um og koma með tillögur um aðstöðu barna í skólahverfinu og stuðla að rétti þeirra til opinna leiksvæða.
- taka þátt í samstarfi við önnur foreldrafélög og samtök foreldra.
- skipa bekkjarfulltrúa í hverja bekkjardeild.



4. gr.

Stjórn félagsins skal kosin á aðalfundi. Hún skal skipuð að **lágmarki** fimm forráðamönnum barna skólans. Stjórnin skal skipuð formanni, ritara, gjaldkera og að **lágmarki** tveimur meðstjórnendum. Ritari gegnir jafnframt hlutverki varaformanns. Á fyrsta fundi nýrrar stjórnar skipta stjórnarmenn með sér verkum og skal formaður kjörinn af stjórn félagsins á fyrsta fundi stjórnar eftir aðalfund. Stjórnin skal kosin til tveggja ára í senn, tveir stjórnarmenn annað árið og þrír árið þar á eftir. Einfaldur meirihluti ræður úrslitum í öllum málum.

5. gr.

Á aðalfundi skal kjósa fulltrúa í foreldraráð til tveggja ára, tveir stjórnarmenn annað árið og þrír hitt árið, einn aðal og tveir til vara. Fulltrúar í foreldraráði mega ekki vera starfsmenn skólans.

6. gr.

Í upphafi skólaárs boðar formaður stjórnar til aðalfundar sem skal haldinn fyrir lok september ár hvert með að minnsta kosti sjö daga fyrirvara. Á fundinum fara fram venjuleg aðalfundarstörf auk annarra mála sem kynnt skulu í fundarboði. Formanni er heimilt að boða til aðalfundar fyrir lok skólaárs á tímabilinu frá 1. apríl til 31. maí. Sé aðalfundur haldinn að vori er ekki nauðsynlegt að halda aðalfund að hausti sama almanaksár en að öðrum kosti skal fundur að hausti haldinn fyrir lok september.

Verkefni aðalfundar eru:

- stjórn félagsins gefur skýrslu um starfsemi félagsins á liðnu starfsári
- endurskoðaðir reikningar félagsins lagðir fram til samþykktar
- lagabreytingar skv. 11. gr.
- kosning stjórnar skv. 4. gr.
- kosning í foreldraráð skv. 5. gr.
- önnur mál



7. gr.

Stjórn foreldrafélagsins er heimilt að skipa nefndir um afmörkuð viðfangsefni. Stjórnin setur nefndum verkáætlun í samráði við þær.

8. gr.

Í upphafi skólaárs skal kjósa fjóra fulltrúa foreldra eða forráðamanna úr hverri bekkjardeild. Hlutverk bekkjarfulltrúa er að efla og styrkja samstarf foreldra og nemenda og leitast við að treysta samband heimilis og skóla innan hversrar bekkjardeildar. Bekkjarfulltrúar mynda fulltrúaráð foreldrafélagsins. Stjórn félagsins setur bekkjarfulltrúum starfsreglur.

9. gr.

Fulltrúaráðið skal koma saman eigi sjaldnar en tvisvar á skólaárinu. Stjórn félagsins undirbýr og boðar til þessara funda. Þar skulu rædd mál er varða markmið og starf foreldrafélagsins, starf foreldra í bekkjardeildum og verkefni foreldraráðs.

10. gr.

Stjórn félagsins getur sinnt ágreiningsmálum sem upp kunna að koma og varða félagsmenn og beitt sér fyrir lausn þeirra, meðal annars með því að koma þeim á framfæri við rétta aðila.

11. gr.

Lögum þessum má aðeins breyta á aðalfundi, enda sé það tilkynnt í skriflegri fundarboðun með minnst sjö daga fyrirvara. Aðalfundur er löglegur sé löglega til hans boðað.

Lög þessi voru samþykkt á aðalfundi Foreldrafélags Varmárskóla 11. september 2012.